

綠繁華非正色蘭麝競裝馨香處車馬崢嶸
馳騁時甘辛百節悲傷神喜怒哀常唯奪壽
六情每引沉淪路三寶常開拯拔門從今發
靈寶前被總領罪根悉消滅衆和志心稽首
禮謝

無上正真三寶

向本稱揚今功德無限良因用薦亡魂超
昇仙界唯願雲車鶴駕從空裏以來臨寶即
瑞體自升霄而後引窈林樹下常聽真經寶
丹池邊時聞雅範生前萬罪隨懺念以消除
後後千德仗今歷而解釋一禮一懺句句消
懺功德巍巍除殃滅罪刀山成寶座劍樹化
雲林猿猴竟修仙牛頭成上道鏡湯消業火
泉曲罷寒冰五道與三途火車皆消散
生前諸罪咎 靈結在酆都 六情多恣縱
萬惡逐緣生 心口意三業 耳眼鼻舌身
更願神超碧落飛步黃庭謁
玉帝於天宮會列仙於雲路躋瓊樹嬉戲
瑤池聞登劫何之臺道契無為之侶飛昇遂
性動植昭然一切有情同登道岸

黃錄十念儀



黃錄五老悼亡儀

法事如式

伏以混元未判包一氣以為先天極既分配
三才而互立由是三生萬物五極居中位故
五方數分五炁天有五星而列照地有五嶽
以攸司縱橫而布九宮之圖生成而現兩儀
之像惟五老以定位與一炁以同生仰奉三
清垂慈萬劫救度羣品濟拔亡魂敬者生天
聞者滅罪今辰某資薦亡過某早罹五濁之
境未明五蘊之空耳聞五音舌貪五味眼觀
五色而不期惑亂身耽五慾而自取昏迷豈
知五行之數終仍隨五苦之惡趣今則舉揚
睿號宣演秘文似影逐形隨方懺悔仰憑法
衆同心慈悲奉為亡人虔誠懺悔

舉按人各恭敬

吟偈

普獻無邊聖 香煙散十方 諸天無量聖
日月斗星辰 玄師經籙祖 天府衆高真
願垂大慈力 超度此亡魂 天府衆高真
普獻無邊聖 香煙透冥關 酆都岱嶽府

考較罪魂司 幽牢遍諸獄 地府眾威靈
願垂大慈力 超度此亡靈
普獻無邊聖 香煙散扶桑 江河淮濟海
雷電兩龍神 十洲三島谷 水府眾真仙
願垂大慈力 超度此亡靈

舉志心皈命禮

東方青靈始老九炁天君

志心皈命東方主 安寶華林大慈尊
青陽木德發生香 角亢氐房標本位
青華宮內瞻慈相 色界諸天仰至尊
寶光童子捧符來 耀景靈幡拔眾苦
懺悔亡人眼根罪 風雷地獄盡消除
雙湯爐炭化成灰 神識不經斯苦地
青天魔王為保舉 皇茄天上恣遨遊
焚香仰啓大慈尊 引領亡人生樂國

舉志心皈命禮

南方丹靈真老三炁天君

志心歸命南方主 梵寶昌陽大慈尊
未明火德耀丹罡 井鬼柳星標本位
丹靈宮內瞻慈相 無色諸天仰至尊

丹靈童子捧符來 華景靈幡拔眾苦
懺悔亡人舌根罪 銅柱地獄盡消除
鑄銅吞火變醍醐 神識不經斯苦地
赤天魔王為保舉 浮容天上任逍遙
焚香仰啓大慈尊 引領亡魂生快樂

舉志心皈命禮

西方皓靈素老七炁天君

志心皈命西方主 七寶金門大慈尊
皓靈白帝太陰君 胃昴觜參標本位
素皇宮裏瞻慈相 四種旻天仰至尊
定光童子捧符來 玉葉靈幡消眾苦
懺悔亡人鼻根罪 金剛地獄盡消除
鋒刀屠割不傷身 神識不經斯苦地
日天魔王為保舉 常融天上恣遨遊
焚香仰啓大慈尊 引領亡人生淨境

舉志心皈命禮

北方黑靈玄元五炁天君

志心歸命北方主 洞陰朔單大慈尊
黑靈水帝五靈君 室壁虛危標本位
五靈宮裏瞻慈相 六欲諸天仰至尊

開明童子捧符來 定水靈幡拔眾苦
懺悔亡人耳根罪 溟泠地獄悉消除
寒冰自覺暖煙生 神識不經斯苦地
黑天魔王為保舉 元明天上恣躋攀
災香仰啓大慈尊 願引亡人生仙界

舉志心皈命禮

中央黃靈皇老一炁天君

志心歸命中央主 黃靈皇老大慈尊
黃中理炁表方維 土宿地曠居正位
玉虛上帝慈光照 洞神天尊救苦來
妙光童子奉命至 舞鶴靈幡拔罪苦
懺悔亡人身業罪 普掠地獄盡消除
力山劍樹化霖霖 神識不經斯苦地
黃天魔王為保舉 大羅天上恣遨遊
焚香仰啓大慈尊 願度亡人生樂國

舉志心稽首禮

無上正真三寶天尊

志心懺悔
身口意三業罪无量亦无边今對大慈尊一
心陳懺悔

貪嗔癡愚罪无量亦无邊今對大慈尊一心
陳懺悔

殺害邪淫罪无量亦无邊今對大慈尊一心
陳懺悔

向來宣陳懺悔萬罪消除奉為亡靈皈依

三寶

志心歸依

无上道大羅元始尊奉為此亡靈來和往生
神仙界

舉志心歸依

无上經龍章鳳篆文奉為此亡靈來和往生
神仙界

舉志心歸依

无上師玄中大法師奉為此亡靈來和往生
神仙界

舉志心歸依

三寶已回此妙良因七祖及九玄衆和同生
極樂園

舉志心歸依

三寶已回此妙良因五道與三塗衆和同生

極樂園

舉向來

向來稱揚五方五老並已周圍奉為亡靈往
生天界伏願清魂不昧淨魄昭然落罪藉於
黑編注生名於丹簡達初心於清靜悟本性
以道遷乘彼碧霞涉諸妙域脫死因於九地
證生理於三天鶴駕雲車入大羅之法會實
播絳節登浪苑之仙階亡者生天見存獲福
上窮圓極下及方隅有識無情同登道岸

黃錄五老悼亡儀

黃錄五老悼亡儀

二儀同卷

黃錄齋十天尊儀

黃錄齋十洲三島拔度儀

黃錄齋十天尊儀

法事

伏聞三境高真永鎮玉京之上十天家邈上
通金闕之遙是為列聖之居皆號無極之國
仰惟玉宸之慈化重遺救苦之懇誠訓告未
聞發明聖境儻皈依之不息必昭鑑以無私
載度天人俾生者密膺於善祐普覃冥路使
亡者永脫於業緣用舉齋盟敢忘皈向今齋
主恭修建道場用資亡歿仰憑道力同為讚
揚

十方救苦天尊

太上道君曰東方青靈始老蒼帝九炁天君
華林境界其有真人名曰靜境無極之國惠
淨莊嚴青鸞鼓舞於晴空白鶴飛鳴於碧落
仰衆真而笑傲陪九老以遨遊奉薦亡靈往